



Terenga 3: Hōtaka15 – Tohutohu (3)

Kei ngā peka tītoki, kei ngā manga maire o te wao, nau mai anō rā ki tēnei hōtaka e tukuna atu nei i runga i ngā iarere o Ranginui kia tatū iho ai ōna painga ki runga ki a Papatūānuku e hora nei me ō rāua uri katoa.

Hei Mahi Whakarongo

I roto i ngā tau tata kua pahure ake, rite tonu te ngāueue mai a te pōtiki, a Rūaumoko, ki ētehi whenua o Aotearoa tonu. Ko ngā momo tohutohu ka puta i aua wā te kaupapa o te kōrero e whārikihia nei e Mātai Smith. Anei ngā pātai hei whakautu mā koutou:

- 1) I tupu ake ia i whea?
- 2) Mena ko koe tana kaiako, ā, i rō whare koutou i te wā o te rū, he aha ō tohutohu reo Māori?
- 3) He pēhea te roa e noho ana ngā tamariki i raro i ngā tēpu whakamarumarū?

He Whakamārama

Anei ētehi kupu e hāngai ana ki ngā āhuatanga ka pā ki te tangata.

He hauata	He mate ka pā ki te tangata	He aituā whawhati tata
rāoa - choke motu - cut wera - burnt kōiwi whati - broken bones hemo - faint werohia - stung taka - fall or drop from a high place paitini - poison	roro ikura - stroke manawa hē - heart attack mate huki - epilepsy huki - fit, convulse mate huka - diabetes mauri moe - unconscious ānini, pōātinitini - giddy, dizzy kirikā - fever	waipuke - flood taiāniwhaniwha - tsunami rū whenua - earthquake ahi mumura - fire huripari - tornado, hurricane ka hikohiko te uira - lightning flash

Hei Mahi

Tuhia te raupapatanga tika o ngā mahi whakaora i te manawa o te tangata.

1. kia 30 ngā pēhitanga o te poho
2. E mauri moe ana te tūrora? Rapua te mokowhiti o te ringa, o te kakī rānei
3. whakatakotohia ngā ringa ki runga ki te poho
4. tukuna ngā hā e rua, me pēhi noa iho rānei i te poho mena kāore anō kia taunga ki te tuku hā whakaora
5. waeahia atu te waka tūrora
6. meatia kia hongā te upoko, hīkina te kauae, whakarongo ki te hā

He Whakautu:

2-5-3-1-6-4